

書名 空同先生集六十三卷 嘉靖九年序刊本
 撰者 明 李夢陽 撰
 卷 卷十九
 內容分類 集-別集-明中葉
 索書號 倉石:40084
 編號 4008000

卷十九

空同先生集卷第一

賦一十首

北郡李夢陽撰

疑賦

鈍賦

思賦

述征賦

省愆賦

宣歸賦

緒寓賦

寄兒賦

俟軒子賦

竹石賦

一十首

疑賦

乾坤高卑易矣。星辰在下。江河逆矣。天喬喬天。

[彩色首頁1](#)

[東洋文化研究所漢籍目錄 編號: 4008000](#)

[東洋文化研究所漢籍目錄所藏漢籍善本全文影像資料庫 索書號: 倉石:40084](#)

[漢籍善本全文影像資料庫文本空同先生集六十三卷 嘉靖九年序刊本](#)

版權所有: [東京大學](#) [東洋文化研究所](#)

[使用上的注意事項](#)



0 1 2 3 4 5 6 7 8 9 20 1 2 3 4 5 6 7 8 9 3



李空同全集
五





空同先生集卷第十九

北郡李慶陽撰

詩 七言歌行四十首

贈答二十四首

朝飲馬送陳子出塞 胡馬來再贈陳子

張將軍塞獵歌 送全儀賓朝天歌

送田氏 贈鄭郎

太華山人歌 相逢行贈劉按察麟

王郎行 郭生行

結交行贈李沔陽 蕙苾行贈王氏

徒步東行贈鮑激

69889

夏日田居蘇生攜酒見過

送人使安南 有鶴篇贈翟翁

賦得姑蘇臺送李推官士允

送王子歸鄆杜 贈鄭生

石峯子歌 寄寄庵子

龍仙引贈駱負外 送李中丞赴鎮

雨燕醉歌

悲悼十首

結腸篇三首 哀才公

哭新縣 觀燈行

石將軍戰場歌 玄明宮行

康郎山歌 乾陵歌

雜體六首

劉子有金陵之差遂便覲省

送仲副使赴陝西

徐子將適湖湘余實戀戀難別走筆長句述

一代人文之盛燕寓祝望焉耳

龍州歌送沈編修使安南

漢江歌送范子之桂陽

聊城歌送顧明府

贈答二十四首

朝飲馬送陳子出塞

朝飲馬夕飲馬水鹹草枯馬不食行人痛哭長城下
城邊白骨借問誰云是今年築城者但道辭家別六
親寧知九死無還身不惜身爲城下土所限功成賞
別人去年賊掠開城縣黑山血迸單于箭萬里黃塵
哭震天城門晝閉無人戰今年下令脩築邊丁夫半
死長城前城南城北秋草白愁雲日暮鳴胡鞭

胡馬來再贈陳子

冬十二月胡馬來白草颯颯黃雲開沿邊十城九城
閉賀蘭之山安在哉傳聞清水不復守遊兵早扼黃
河口即看烽火入甘泉已詔將軍屯細柳去年穿塹
長城裏萬人齊出千人死陸海無毛殺氣蒸五月零

冰凍河水當時掘此云備胡胡人履之猶坦途聞道
南侵更西下韋州固原今有無從來貴德不貴險英
雄豈可輕爲謨尚書號令速雷電抱玉誰敢前號呼
遂令宵旰議西討茲咎只合歸吾徒我師如貔將如
虎九重按劍赫斯怒惜哉尙書謝歸早不覩將軍報
平虜

張將軍塞獵歌

將軍堂堂七尺軀虎頭昂藏紫虬鬚據鞍笑撚金僕
姑弦鳴仰墮雙飛鳥南平川漢北殲胡蛇矛卧地刀
劍蕪朔風吹霜塞草落馬騰士奮干狩作將軍夜令
晨步同積沙黃黃日色薄部下遊擊五千人競時爭

能各有神驅飛翼走入我網千隊萬隊何駘駘氣酣
前赴逞一決零亂旌旗倏明滅殺氣上回靈武雲火
烈直透天山雪張公觀此番逡巡紅衣白馬如神人
衣也蟠蟒金麒麟朝廷所賜榮功臣攔頭報捷者誰
子手提禽獸血滿身生截羆豹纍雉鶉中軍小校額
抹巾見之一騎風起塵左射奔鹿右斃豕更追狡兔
趨窮榛張曰於乎奚用是昊天肅殺存至仁縱金按
節止中野燁脂魚鮮燕蒐者禮樂行軍分自嚴賞罰
正簿誰能假何地真收吐谷駝一卒乃獲大宛馬長
城窟水胡鴈稀輕輦緩吹諸部歸懸戟慘淡鴉鳥委
番鞍礮礪熊兕肥少年猶忿殺獲微翻身殼弩追雲

抹

飛我聞蒐狩古侯禮三驅六御今何以續武雖存于
貉文戒荒合避長楊後將軍抹馬厲部士爲防西北
烽烟起

送仝儀賓朝天歌

風吹黃塵暗河甸行子拍馬來相見春寒晝陰沙冥
冥九衢散亂花如霰自言手捧紫瑤函馳軺謁帝黃
金殿甥壻當朝禮覲同往來遣答猶親面南陽貴人
骨固殊敦親倍錫明光宴八議輕微實惋惻時情詎
識皇心眷開函爛熳百色備龍盤鳳曲流雲氣綉女
谷嗟鋪緒工體裁昭合三官意吳羅疊雪祗懷赧南
金象齒堪沉避自離京國十年餘每懸金闕憶金魚

班行日侍諸王聘，混一曾瞻萬國書。君過上林聊駐
車，春風舊樹花應舒。有暇更欲問西湖，掃地垂楊今
有無。

送田氏

寒城野霜鴻嗷嗷，羊腸木零熊豹號。彼汾沮洳望心
勞，葭莖委折風波濤。山西刑司氣何豪，西邁白日行
旌旄。七星丸丸明佩刀，君不見黃河飛雲立如蓋。一
鶚乘之向并代。

贈鄭郎

郎來張拱向我揖，玉樹亭亭我旁立。叩之論語背誦
畢，曲禮幼儀汝能習。黃河柳綿飛欲盡，練水桐花放
將及。汝父昨來今汝歸，有琴在抱書在笈。君不見師
山後人代非乏，勉旃無効群兒狎。

太華山人歌

山人昔居太華峯，結屋玉井餐芙蓉。夜隨金精朝白
帝，誤搗天鼓撞鴻鐘。帝怒謫之荒江濱，淚添江漢齊
朝宗。閭闔九重豹虎蔽霜雪，十年鴻鴈冬江邊。諸山
不可眼，夢寐猶跨雙茅龍。有時夢到西嶺坐，環海內
物盡么麼一線黃。天涇渭流拳石白，晝岷峨破翳鳳
驂鸞。覲玉京，羽節雲軒度婀娜。織女虛無指前路，沐
髮有盆不借我。山鬼含笑倚巖立，仰看明星斗如大
猿啼。蛇吟萬壑靜，山人歸來淚交墮。

相逢行贈劉按察麟

麟一本作元瑞

一別六年不相見風塵歛靚劉郎面西關官亭車馬
都使君驄馬朱雀符有虔秉鉞映交衢把臂道故情
鬱紆仰視高天白日但憶昔同殿含香趨萬事反覆
難具鋪秋風颭颭響枯樹蛟龍立闔黃河怒舟子無
憂旬浹阻大夫且試登高賦城南柳徑梁王苑廟門
書院松林晚此時與子臨高臺邊侯綺席金尊開芒
碭微雲氣出沒但見悲風萬里從東來寒空孤鴈叫
且哀鶉鷄鼓翅號其儕飛沙激霧相徘徊願賓與主
酌酌歸不見昔時杜甫與高李三子者氣壓百代今
塵埃

王郎行

王郎行者贈王氏二郎者也王郎將試於有司
予於是賦王郎行贈焉夫子賤君子稱之魯碩
人族類彰諸詩蓬麻自直事有本因予故侈其
家世并及其父子兄弟之間

將軍開國弓劍傳子孫章甫能朝天相國沉冥二十
年懷寶弗售人所憐飛纓躍馬赫動地公也視之如
浮烟雅歌日醉金尊前生有三男子不令學劍令青
編大郎早躡黃金榜聲名佐郡青雲上二郎穠鬱更
英特掇青拾紫猶翻掌三郎年十餘頭顱角嶄如拱
立向人前解背經與書二郎昨別我云將還故鄉馬

蹄馳逐秋槐黃龍泉出匣光自射驊騮歷塊疇能當
連翩騎從喧皇州春風紫陌行鳴騶生兒當如孫仲
謀千嗟相國胡所憂濁醪惟恨不滿甌聽我王郎行
我行還自歌何以贈之珊瑚柯又何贈之玉山禾願
郎歸白玉珂

郭生行

君不見大梁郭生少小能英奇生長富貴心寒飢兀
坐日誦書與詩下究王伯上軒羲郭生有父王國賓
有母食邑稱之君鯉庭獨立猶詩禮熊膽親丸或夜
分生有兩男子大者覽輝起次者郭生鼓翅亦上青
霄裏憶昔匹馬走燕甸長安三月花如霰射策曾登

名馬門

帝在蓬萊殿三十年

袞袞蜚英彥結綬初誼東閣賓彈冠

平旣極邊功開武帝射蛟江未迴上林會在言

願生早試長楊才

結交行贈李沔陽

古人結交如種稷今人當路栽荆棘世間萬事各有
極人生何必相傾仄君不見李沔陽五馬昨朝天天
冰地裂衝寒煙三月不遇見天子歸途函頓心憂煎
南行波濤值洄湧蛟龍失勢鼉鼉踊留滯聊栖梁孝
臺醉歌真據侯羸塚却憶當年侯未鬚識者盡道驂
騮駒落筆遽掩羽獵作挺身遂上青雲衢百戰不侯

蹄馳逐秋槐黃龍泉出匣光自射驊騮歷塊疇能當
連翩騎從喧皇州春風紫陌行鳴騶生兒當如孫仲
謀子嗟相國胡所憂濁醪惟恨不滿甌聽我王郎行
我行還自歌何以贈之珊瑚柯又何贈之玉山禾願
郎歸白玉珂

郭生行

君不見大梁郭生少小能英奇生長富貴心寒飢兀
坐日誦書與詩下究王伯上軒羲郭生有父王國賓
有母食邑稱之君鯉庭獨立猶詩禮熊膽親丸或夜
分生有兩男子大者覽輝起次者郭生鼓翅亦上青
霄裏憶昔匹馬走燕甸長安三月花如霰射策曾登
金馬門垂衣 帝在蓬萊殿三十年間萬事變後生
素袞蜚英彥結綬初誼東閣賓彈冠復報南州薦太
平旣極邊功開武帝射蛟江未迴上林會有誇胡獵
願生早試長楊才

結交行贈李沔陽

古人結交如種稷今人當路栽荆棘世間萬事各有
極人生何必相傾仄君不見李沔陽五馬昨朝天
冰地裂衝寒煙三月不遇見天子歸途函頓心憂煎
南行波濤值洄湧蛟龍失勢鼉鼉踊留滯聊栖梁孝
臺醉歌真據侯羸塚却憶當年侯未鬚識者盡道驂
騶駒落筆遽掩羽獵作挺身遂上青雲衢百戰不侯

月夜

李廣厚一麾出守延之吁峽靈光射卞和玉月明淚
迸鮫人珠李沔陽汝無學雲夢吞亦莫效江南哀六
龍挽車日月輪萬里簸蕩風沙開棄君丹楫理銜轡
有人物色騰驥材

蕙苴行贈王氏

南征馬援還東都人言滿載皆明珠發封視之乃蕙
苴群臣失色天子吁世情毀譽本好惡後生輕信迷
真誤暗投固宜明月棄同居豈免娥眉妬自君夙夜
歌在公尊中醴酒常不空德尊日見兒孫盛名成反
致讒邪攻雖云喬樹多烈風曷有寸霧殘高空君不
見周時吉甫稱大賢孔門弟子推顏淵掇路拾塵尚
見惑豈我手得無一慙君堂有客俸有錢槐庭偃蹇
花含烟胡不酩酊金壘前萬事置之休問天

徒步東行贈鮑激

鮑生六月徒步東久曠赤日昏沙風旦行眼眩扶桑
紅足疲暮憇空桑中帽浥衣沾乾復濕必逢佳樹始
一立道傍有驢無錢騎短詠微吟口翕戟杜甫遺詩
人罕全鮑生記之將及千論工尚恨黃初淺泥古常
卑大曆前豈知才大番爲崇臨岐獨下楊朱淚鹽車
雖蒙苴滓辱長鳴未折風雲氣生今坎壈三十年同
時細估豪熏天出門寶馬雙翩翩道逢鮑生不舉鞭
生不見五殺大夫歌屢屢商歌飯牛聲夜悲賢達困

窮何代無仰視萬里浮雲徂

夏日田居蘇生携酒見過

疾風六月樹枝折火雲纍纍白絮裂城南老夫正高
卧荒郊欵段蘇生過塵埃滿面鬢髮亂手携清壺來
餉我季子才名三十年射楊百發百葉破逢時幸首
南宮薦塌翮尚忍西山餓丈夫生世古難同蘇也巷
西我巷東追尋不計襤褸執熱淹留祇恨金尊空君不
見昨朝雷雨今則風世事反覆誰豫通得時無誇好
身手失意豈必皆愚蒙野池紛披蓮半紅黃鸝噤語
空林中勸子盡醉休匆匆人生幾何吾已翁

送人使安南

安南陪臣騎馳突歌吹春喧洱水窟蛟潭飛雨動
靈島城毒雲開日月黃門使者白澤袍南來氣與秋
天高當今天子古聖人諭爾歲事勤包茅求令炎海
無波濤

有鶴篇贈程翁

有鶴褊褊海上來乘風爰止梁王臺洪河怒濤野蕭
瑟含情顧影却飛迴十洲來徃群仙戲舉身上下隨
雲氣君不見夜來東海頭南極一星光照地

賦得姑蘇臺送李推官士允

少年何官騎白馬秋日經過古臺下回瞻遠慮意撼
促下馬行歌淚盈把猗嗟築此誰爲臺千年棄土猶

崔嵬礫廊娃館瓦礫積美人白骨生青苔枯蒿虫吟
莽風颭飛雲叫鴈雙徘徊當時金屋玉起樓豈謂臺
成糜鹿游寶鈿黃金裹瑟瑟雨時濯出樵人收李生
豪士扶風儔悲歌久抱流連憂世家各讀日一過獨
廢吳越傷春秋復思鳴夷氣益奮怒目每送長濤流
扶眼東門事已往茲臺再過君休上日暝煙波湖水
深范歸恐有同行槩

送王子歸鄆杜

賢兄已上蒼龍閣令弟猶甘飽藜藿膝下雖無一寸
綬腰間常吼千金鏑騎驢狂走長安市酣歌擊缶白
日落黃金不成徒自嘆烏裘脫盡那堪着道逢石室

舉鞭揖謂爾骨相殊不惡終南鄆杜豪俠窟從來
氣無京洛歸家早鑄雙玉龍提携來獻明光宮

贈鄭生

狐裘騮馬誰家子往來馳驟塵沙起右撚羽箭左把
弓仰射忽憶雙飛鴻野寒日昏慘慘風下馬揖我立
我東一箭直西貫楊樹抽身上馬入城去

石峯子歌

石峯子昔住石峯山茅堂巖壑豁訝間松孤桂叢白
日靜坐玩碗礪聆潺湲石峯子驂鸞覲帝今幾秋狖
猿哀嘯鴻鵠愁頃爲四岳振南州珠崖瓊海毒厲收
丹穴有鳳鳴啾啾願子早致儀西周經過舊山莫掩

留君不見舊山頭，萬壑蔽翳寒泉流。

寄寄庵子

寄庵子嘗曰：人生寄爾，然孰與義安？
孰與美久？孰與芳永？
庫部駱子以其言告李平。李平曰：卓哉張子！持此於天下，誘之能移，撼之能動，平能招之來，麾之去乎？
於乎張子者，足以荷天下之重矣。於是作寄寄庵子詩。

嚶其鳴矣，彼何求？天下願識韓荆州，心傾義投神使。
往萬古不廢江河流，張侯崛起西南裔，覽輝振翮風雲際。
鉤陳蒼涼閭闔閉，排闥直謁蓬萊帝，豸冠戔戔不動紳，挺身遂作蘭臺質。
竊憤辛裾謂澳忍，誓與朱

檻爭嶙峋，已看騶馱狹道路，復訝鷓鴣卑風塵。霜飛

維揚海月苦，陽行沮洳汾花春，還朝袞衣換，日月立

仗正色，揩星辰，行步既工馬從瘦，諫草每就雞將晨。

餘力猶馳翰墨圃，先秦兩漢文心苦，壯志直趨劔閣

銘。張平幽懷緬擬歸田賦。張平拖朱響玉豈不足，覩

面徒餐竟何補，及時願作朝陽鳳，不然退與漁樵伍。

予也綸竿孟諸客，心本無他衆莫白，李由世人欲殺

之蘇軾，能詩遭貶斥，雷劔雖埋光在天，卞玉未剖終

爲石，垂老重逢四海清，虛名幸免諸公擲，思君欲追

嵇呂，駕贈言輒踐回由迹。顏淵有田負郭不餓死，且

自射獵苦碣澤。

龍仙引贈駱貞外

壯士狹四海萬古一大夢俗夫醯雞耳生死不出雍
滅沒等蒿草勞勞竟焉用君求勾漏學稚川往來棲
息羅浮烟自從異人授丹訣行地乃作飛龍仙左携
浮丘右洪崖樗里景純執我鞭崑崙嶺巔倚天外黃
河九曲如衣帶南支江湖楚蜀匯北支嶮塞華夷界
少時振衣登賀蘭開眼已無西北山中年謁帝聽廣
樂曳裾赤手搔天關朝攬金臺雲夕披玉峯霧翔鸞
鏘鏘導前路左躡文豹右伏虎於幢旖旎雜翠葆龍
兮龍兮汝雖變化叵測慎無使頭角露祥麟威鳳世
見希世秘盡巧鬼神怒深山大澤多戢麟龍也穆勿

鱗

幸自珍緱城玉笙兩鶴舞太室珠樹二花春從茲謝
人放浪去笑誇白鹿乘飈輪

送李中丞赴鎮

黃雲橫天海氣惡前飛鷺鶴後叫鶴陰風夜撼鑿巫
閭曉來雪片如手落中丞按轡東視師躬歷嶮隘揮
熊貔已嚴號令偃鼓角更掃日月開旌旗椎牛李牧
將士躍射虎李廣匈奴知屯田金城古不謬賣劍渤
海今其時塞門蕭蕭風馬鳴長城雪殘春草生低飛
鴻鴈胡沙靜遠遁鯨鯢瀚海清不觀小范擒戎日誰
言胷中十萬兵

雨燕醉歌

迅雷擊城鴉欲翻黑雲壓天白晝昏展席叙對城南
門長安大雨如傾盆我馬已惜錦障泥主人况且黃
金尊睥睨將將下萬瀑龍蛇繡繡動高壁出門牛馬
不復辨炎霧毒蒸靜如拭酒酣爲君如意舞夕雨轉
急風轉怒祇恐谿壑受不得海倒江翻亦難測

悲悼十首

結腸篇三首

李予曰結腸之事蓋予妻亡而有此異云奠妻
以牲烹腸焉腸自毬結李予異焉曰胡爲烹胡
爲結恍惚神恠孰主孰使厥理孰測然邪德邪
生有所難明死託以暴衷邪嗚呼嗚呼作結腸

篇焚妻柩前妻固識文大義或亦契其冥懷也
哀者且停聲弔客坐在堂聽我結腸篇曲短哀情長
五月廿七吾妻亡厥明奠之羅酒漿其牲伊何積與
牟痛哉釜鬻結續腸神靈恍惚心駭傷團團肉毬出
中湯左迴右盤準流黃經緯纏糾文陰陽底形井字
圈兩旁翼翼彷彿雙鳳凰有綏在下纍而長上有提
襪五寸強汝乎無意豈爲此呼汝欲問魂茫茫十呼
不應百轉咽腸乎腸乎爲疇結

二

結腸結腸忍更聞妾年十六初侍君父也早逝母獨
存爲君生子今有孫昔走楚越邁燕秦萬里君寧恤

婦人外好不補中苦辛中年得歸計永夕命也百病
攢妾身言畢意違時反唇妾匪無迂君多嗔中腸詰
曲難爲辭生旣難明死詎知千結萬結爲君爾君不
妾知腸在此

三

結腸三閔聲更咽汝腸難解我腸結夙昔失意共奔
走汝實千辛我蹉跌宕歸家定今稍寧豈汝沉緜遽
離絕魂乎魂乎游何方兒號女哭週汝旁劇心飲泣
看彼蒼患者何壽慧何亡佇立逶迤若有望迫而即
之獨空床梁間二燕哺子急觸落青虫汚我裳錦衾
塵埃委鴛鴦總帷中夜風琅琅魂驚夢搖中慘傷陰
雨啾啾燈無光嗚呼此曲不可竟爲君賡歌妾薄命

哀才公

正德己巳年作此公嘗薦余故有國士之感
仲冬東南天鼓鳴我軍滅胡功可成道之將行歲在
己星落轅門悲孔明尚書頭顱血洗箭馬革纏屍亦
堪羨夷門野夫國士流痛哭天遙夜雷電是月雷電屢作

哭新縣

是時新設萬年縣新民反覆殺副使李情靈寶
人也

苦死可憐靈寶子有官十數同時死四路蕭蕭人斷
行一軍盡驚床夜徙新民反覆誰不知忤實虎豹佯

螻蟻白金綵段縱寬汝朝廷有問將何以

觀燈行

群見夢華錄

宋家累葉全盛帝寬大實皆稱令主百姓牛馬徧阡陌太倉米粟憂紅腐宣和以來遂多事嗚呼爛費如沙土海石江花湧國門離宮別殿誰能數群臣諛佞祇自計天下騷然始怨苦正月十四十五間有勅大駕觀鰲山萬金爲一燈萬燈爲一山用盡工匠力不破君王顏此時上御宣德門樂動簾開見至尊奔星忽經於御榻明月初上堆金盆傾城呼噪聲動地可憐今夜鰲山戲窈冥幻巧百恠聚金蛾翠管堪垂淚借問幸臣誰云是李師師外有蔡京與蔡攸夾樓錦

幄羅公侯丞相之幄當前頭奚兒腰帶控紫騮如花少女擎綵毬但聞樓上喚樓下黃帕籠盤賜玉羞月高鳴鞭至尊起幄中環珮如流水爭道齊驅輦路窄寺橋窈窕塵埃白火樹龍燈又一時千光萬焰天爲赤常言宴安成禍基從來樂極還生悲君看二帝蒙塵日數月東京荒蒺藜

石將軍戰場歌

清風店南逢父老告我已巳年間事店北猶存古戰場遺鏃尚帶勤王字憶昔蒙塵實慘怛反覆勢如風雨至紫荆關頭晝吹角殺氣軍聲滿幽朔胡兒飲馬彰義門烽火夜照燕山雲內有千尚書外有石將軍

石家官軍若雷電。天清野曠來酣戰。朝廷既失紫荊
關。吾民豈保清風店。牽翁負子無處避。哭聲震天風
怒號。兒女床頭伏鼓角。野人屋上看旌旄。將軍此時
挺戈出。殺胡不異草與蒿。道北歸來血洗刀。白日不
動蒼天高。萬里烟塵一劍掃。父子英雄古來少。天生
李晟爲社稷。周之方叔今元老。單于痛哭倒馬關。羯
奴半死飛狐道。處處懽聲噪鼓旗。家家牛酒犒王師。
休誇漢室嫖姚將。豈說唐朝郭子儀。沉吟此事六十
春。此地經過淚滿巾。黃雲落日古骨白。沙磧慘淡愁
行人。行人來折戰場柳。下馬坐望居庸口。却憶千官
迎駕初。千乘萬騎下皇都。乾坤得見中興主。日月重

開再造圖。英雄不數雲臺士。楊石齊名天下無。嗚呼
楊石今已無。安得再生此輩西備胡。

玄明宮行

今冬有人自京至。向我道說玄明宮。木土侈麗誰辦
此。乃今遺奠京城東。割奪面勢創截業。出入日月開
幘幪。矯托敢與天子競。立觀忍將雙闕同。前斫石柱
雙蟠龍。飛梁逶迤三彩虹。寶構合脊殿。其後儼如山。
嶽瀕天中。金銀爲堂玉布地。千門萬戶森相通。光景
閃爍倏忽異。雲烟鬼恠茺沓濛。以東金榜祠。更侈樹
之松。檟雙梧。桐溟池。島嶼鯁鯉躍。孔雀翡翠兼羅熊。
那知勢極有消歇。前日虎豹今沙虫。牕扉自開衛不

守人時遊玩搖玲瓏陞隅龍獸折其角近有盜換香
爐銅青苔生泥鏡面鎖野鴿哺子雕花櫳憶昔此闈
握乾柄帝推赤心闈罔忠威刑霹靂縉紳毒自尊奴
僕侯與公變更累朝意叵測培克四海真困窮長安
奪第塞巷陌心復豔此闈何蒙構結擬絕天下巧搜
剔遂盡輸倖工神廠擇木內苑竭官阮選石西山空
夷墳伐屋白日黑揮汗如雨斤成風轉身唾罵闈得
知退朝督勞何匆匆人心嗟怨入骨髓鬼也孰復安
高崇峩碑照耀頌何事或有送男充道童聞言愴惻
黯無答私痛聖祖開疆功渠干威福開者誰法典難
嚴柰怙終錦衣玉食已叨竊琳宮寶宇將安雄何嘗
不鐫護勅碑來者但看玄明宮

康郎山歌

君不見康郎山屹立東湖中波濤撼蝕山脚塌破廟
枯木常烈風芒碭草昧赤帝出揮劍遂使凡蛇空計
梯之外事亦小萬方有罪惟朕躬美姬寶玉歸御幄
浮屍蔽江江水紅發踪劉陶固其力死戰難言非數
公秦人枉哭嶠函瘞漢祖輕酬垓下功至今有廟此
山側天陰雨濕時見朱旗白馬光如虹

乾陵歌

武后陵黃巢伐之
事具雪航膚見

九重之城雙闕峙前有無字碑突兀雲霄裏相傳翁
仲化作精黃昏下山人不行跡人田禾食牛豕強弩

射之妖亦死至今剥落臨道傍大者虎馬小者羊問
此誰者陵石立山崔嵬銅鐵錮重泉銀海中縈迴巢
也信力何由開君不見金棺玉匣出人世薈薇冷面
飛塵埃百年枯骨且不保婦人立身何草草

雜體六首

劉子有金陵之差遂便觀省

使君昔居紫荆關日登燕嶠望吳山逢人顏色鬱黯
黥對酒涕泗交潺湲使君南向金陵去孤帆夜拂春
天樹旅枕常欹月落時夢魂先到雲飛處楊子江頭
青草斜大孤山前開杏花行人三月重回首游子一
年初到家出門烟草滿芳甸鳳凰臺接麒麟殿遊陌

聯翩追宿娛墨塲婉嬾羅賓燕人生意氣無南北白
馬青袍動江色即看艤舸石頭城還聞稅鞅鐘山側
鐘山萃律壓秦淮燕趙風雲入望來芙蓉秋鴈多愁
思問君何日錦帆迴

送仲副使赴陝西

驄馬白玉鞍長鳴下雲端今朝發汴水何日到長安
孝王臺前雪如山垂楊掃地春風還使君不帶冰霜
色却帶春風入漢關相思明月樓西望古秦州河南
咫尺不可見何況千山萬水頭西望秦州是我鄉隴
樹秦雲空斷腸寒帷杖鉞經行地欲寄雙魚到慶陽
徐子將適湖湘余實戀戀難別走筆長句述

一代言人之盛兼寓祝望焉耳

崢嶸百年會浩蕩觀人文建安與黃初叱咤皆風雲
大曆熙寧各有人戛金敲玉何繽紛 高皇揮戈造
日月草昧之際崇儒紳英雄杖策集軍門金華數子
真絕倫宣德文體多渾淪偉哉東里廊廟珍我師崛
起楊與李力挽一髮回千鈞天球銀甕世希絕鰲掣
鯨翻難具陳洪川無梁不可越日暮悵望勞余神徐
郎生長蘇臺陰二十作賦雄海濱竭來抱玉叩閭闔
長安繡陌行麒麟是時少年誰最文太常邊丞何舍
人舍人飄飄使南極直窮金馬探瀘津爾雖不即見
顏色夢中彷彿形貌真余也潦倒簿書客諸公磊落

清妙身大賢衣鉢豈虛擲應須爾輩揚其塵休令黼
黻怨岑寂要與琬琰增嶙峋海陵先生雅愛士晚得
徐郎道氣伸喬王欵接雖不數邇聞亦欲來卜隣驂
騶造父兩相值一瞬萬里誰能馴都門二月芳草發
御溝楊柳垂條新徐郎綰牒將遠適使我旦夕生悲
辛爲君沽酒上高樓月前醉舞梨花春天明掛帆向
何處鴻鴈哀鳴求故羣南登會稽探禹穴西浮湘水
吊靈均洞庭波寒木葉下峽口風急猿嘯聞司馬太
史有遺躅歸來著書追獲麟

龍州歌送沈編修使安南

龍州南接六那溪白鷗黑猿相間啼烏蠻灘頭苦竹

密伏波廟前春日西揚旌走馬迎天使擁節封王壯
漢儀試向殊邦觀禮樂交南元是舊邊徼

漢江歌送范子之桂陽

漢江江上鷗鳩鳴漢江游客無限情青山落日下帆
影芳草月明聞櫂聲黃鶴磯頭暮雲盡鸚鵡洲邊春
水生莫倚仲宣能作賦洞庭南接桂陽城

聊城歌送顧明府

聊城纍纍枕桑野使君懷古聊城下龍蛇慘惓七雄
鬪當時誰是排紛者海東隱淪難見面平原不見安
平見已聞笑却邯鄲軍還遣書飛燕將箭平生急難
輕列侯功成豈必千金酬只今徃迹浮雲盡遙矚滄

溟日暮流

空同先生集卷第十九